



Inatsisartunut ilaasortaq,  
Jess Svane  
Maani/

**§ 37. naapertorlugu aalisarneq pillugu isumasioqatigiinnermut apeqqummut nr. 2021\_193-imut akissuteqaat**

Aalisarneq pillugu Isumasioqatigiinnermut tunngassuteqartumik Inatsisartut suleriaasianni § 37 imm. 1 naapertorlugu Naalakkersuisunut apeqquteqarputit. Apeqqut suliasaqarfigisannit akineqartussanngorlugu innersuunneqarpoq.

Ulloq: 28-12-2021  
Suliap normua: 2021 - 22881  
All. nr. 18870805  
Postboks 269  
3900 Nuuk  
Oqarasuaat (+299) 34 50 00  
Fax (+299) 34 63 55  
E-maili: apn@nanoq.gl  
www.naalakkersuisut.gl

**1. Aalisarnermut tunngatillugu isumasioqatigiisitsinernut aalisartut peqatigiiffianniit inummik ataasiinnarmik peqataatitsisoqarnissaa Naalakkersuisut aalajangiisimanerannut suna pissutaava?**

**1-imut)** Aalisarnermut inatsisissamut nutaamut atatillugu Aalisarnermut Ataatsimiititaliarsuup innersuussutaasa nunarput tamakkerlugu oqallisigineqarsinnaatikkumallugit Aalisarnermut tunngatillugu isumasioqatigiinnerit marluk ingerlanneqarnissaat Naalakkersuisut aalajangersimavaat. Inissat eqqarsaatigalugit peqataasinnaasut killeqarmata najukkani ataasiakkaani aalisartut piniartullu peqatigiiffii ataasiinnarmik aallartitaqarnissaat aalajangiuttariaqarsimavarput. Peqataasussat najukkani peqatigiiffiit tamaasa sinnerlugit peqataasussaapput taamaattumillu peqatigiiffinni ilaasortat tamarmik peqataasussartik aqqutigalugu tusaaneqassapput.

Aalisarnermut inatsisissamik nutaamik suliaqarnerup ingerlanera apeqqutaalluni suliap suliareqarneranut atatillugu piffissami aggersumi oqallinnissamut aggersaaqqittoqarsinnaavoq innuttaasunilluunniit ataatsimiititsisoqaqqissinnaalluni, kisianni aalisarneq pillugu isumasioqatigiinnerit aalisarnermut inatsimmik nutaamik pilersitsinermut alloriaqqaarnerussapput.

**2. Pineqartut ataasiinnarmik peqataatitaqarnissaannik piumasaqarsimanerup saniatigut kikkut peqataassappat?**

**2-mut)** Najukkani Aalisartut Piniartullu Peqatigiiffiisa aggersarneqarsimasut saniatigut makkunanit aallartitat Naalakkersuisunit peqataanissamut aggersarneqarsimapput: Kalaallit Nunaanni Sulisitsisut, Royal Greenland, Polar Seafood, Arctic Prime Fisheries, Halibut Greenland, Qaleralinniat peqatigiiffiat Uummannaq, SQAPK, KNAPK-ip qullersaqarfia, Aalisarnermut, Piniarnermut Nunalerinermullu Ataatsimiititaliaq, Aatsitassanut Inuussutissarsiornermullu Ataatsimiititaliaq, Aningaasaqarnermut Akileraartarnermullu Ataatsimiititaliaq, Inuussutissarsiornermut Niuernermullu Naalakkersuisoq, Aningaasaqarnermut, Aatsitassanut, Inatsisit Atuutsinneranut Naligiissitaanermullu Naalakkersuisoq, Nunalerinermut, Imminut Pilersornermut, Nukissiuutinut Avatangiisinullu

Naalakkersuisoq, Naalakkersuisut siulittaasuat, Siulittaasup Naalakkersuisoqarfiani politikikkut ataqatigiisaarisartoq aammalu Aalisarnermut Ataatsimiititaliarsuup Siulittaasua.

Ilisimatitsissutigisinnaavara Covid-19 peqqutigalugu isumasioqatigiinnissat piffissali-gaanngitsumik kinguartinneqarmata.

Inussiarnersumik inuulluaqqusillunga

Aqqaluaq B. Egede

Aalisarnermut Piniarnermullu Naalakkersuisoq

